




全蜀文志

和16
2033
28



八和16
2033
28



全蜀藝文志卷四十三目上

江陵朱雪煥選唐

諭巴蜀檄

漢

司馬相如

激蜀文

魏

鍾會

為東海王詩
成都王檄文

晉孫惠

檄李勢文

為郗
鑒作

庾闡

唐陳敬

楊師立

破吐蕃露布

韋臯

代成都帥檄

宋邵博

難蜀父老

漢

司馬相如

對蜀父老問

唐盧照隣



全蜀文志卷四十三上 升菴元本

江陵朱雲煥遐唐

檄 露布 難

諭巴蜀檄

漢 司馬相如

告巴蜀太守蠻夷自擅不討之日久矣時侵犯邊境勞士大夫
陛下即位存撫天下安集中國然後興師出兵北征匈奴單于
怖駭交臂受事屈膝請和康居西域重譯納貢稽顙來享移師
東指閩越相誅右弔番禺太子入朝南夷之君西楚之長常効
全蜀文志 卷四十三上 檄 讀月草堂

貢職不敢墮息延頸舉踵喁喁然皆嚮風慕義欲為臣妾道里
遼遠山川阻深不能自致夫不順者已誅而為善者未賞故遣
中郎將往賓之發巴蜀之士各五百人以奉幣帛衛使者不然靡有兵革
之事戰鬪之患今聞其乃發軍興制驚懼子弟憂患長老郡又
擅為轉粟運輸皆非陛下之意也當行者或亡逃自賊殺亦非
人臣之節也夫邊郡之士聞烽舉燧燔皆攝弓而馳荷兵而走
流汗相屬唯恐居後觸白刃冒流矢議不反顧計不旋踵人懷
怒心如報私讎彼豈樂死惡生非編列之民而與巴蜀異主哉
計深慮遠急國家之難而樂盡人臣之道也故有剖符之封析

珪而爵位為通侯處列東第終則遺顯號於後世傳土地於子
孫行事甚忠敬居位甚安逸名聲施於無窮功烈著而不滅是
以賢人君子肝腦塗中原膏液潤野草而不辭也今奉幣使至
南夷即自賊殺或亡逃抵誅身死無名諡為至愚恥及父母為
天下笑人之度量相越豈不遠哉然此非獨行者之罪也父兄
之教不先子弟之率不謹寡廉鮮恥而俗不長厚也其被刑戮
不亦宜乎陛下患使者有司之若彼悼不肖愚民之如此故遣
信使曉諭百姓以發卒之事因數之以不忠死亡之罪讓三老
孝悌以不教誨之過方今田時重煩百姓已親見近縣恐遠所
全蜀秩文志 卷四十三上 檄 讀月草堂

谿谷山澤之民不遍聞檄到亟下縣道使咸喻陛下意毋忽

檄蜀文

魏鍾會

往者漢祚衰微率土分崩生民之命幾於泯滅我太祖武皇帝神武聖哲撥亂反正拯其將墜造我區夏高祖文皇帝應天順民受命踐祚烈祖明皇帝奕世重光恢拓洪業然江山之外異政殊俗率土齊民未蒙王化此三祖所以顧懷遺志也今主上聖德欽明紹隆前緒宰輔忠肅明允劬勞王室布政垂惠而萬邦協和施德百蠻而肅慎致貢悼彼巴蜀獨為匪民愍此百姓勞役未已是以命授六師冀行天罰征西雍州鎮西諸軍五道

竝進古之行軍以仁為本以義治之王者之師有征無戰故虞舜舞干戚而服有苗周武有散財發廩表閭之義今鎮西奉詞銜命攝統戎車庶宏文告之訓以濟元元之命非欲窮武極戰以快一朝之志故略陳安危之要其敬聽話言益州先主以命世英才興兵新野困躡冀徐之郊制命紹布之祖拯而濟之興隆太尉皆違棄同卽異諸葛孔明仍規秦川姜伯約屢出隴右勞動我邊境侵擾我氐羌方國家多故未遑修九伐之征也今邊境又清方內無事蓄力待時併兵一向蜀一州之眾分張守備難以禦天下之師設谷侯和沮傷之氣難以敵堂堂之陳比

年以來曾無寧歲征夫勤瘁難以當子來之民此皆諸賢所共親見蜀侯見禽於秦公孫述授首於漢九州之險是非一姓此皆諸君所備聞也明者見危於無形知者規福於未萌是以微子去商長為周賓陳平背項立功於漢豈宴安鳩毒懷祿而不變哉今國朝隆天覆之恩宰輔宏寬恕之德先惠後誅好生惡殺往者吳將孫壹舉眾內附位為上司寵秩殊異文欽唐咨為國大害叛主讎賊還為戎首咨困偏擒獲欽二子還降皆將軍封侯咨豫聞國事一等窮蹶歸命猶加上寵況巴蜀賢智見幾而作者哉誠能深鑒成敗逸然高蹈投迹微子之蹤措身陳平之軌

則福同古慶流來裔百姓士民安堵樂業農不易畝市不迴肆去累卵之危就永安之計豈不美與若偷安旦夕迷而不反大兵一放玉石俱碎雖欲悔之亦無及也各具宣布咸使聞知

為東海王討成都王檄文

晉 孫 惠

穎稟性强暗增崇位號阿比奄官專任孟玖遂使恣睢殺活由已疾諫好讒小人滿側官以賄成位以錢獲囚以貨生獄以幣解百官卷舌朝野隱伏按穎之罪書記未有禍甚叔帶逆隆魯桓為子則不孝為臣則不忠為弟則不順為主則不仁四惡具矣豺狼之性有甚無悛

全蜀桃文志

卷四十三上

檄

讀月草堂

爲邠鑿作檄李勢文

庾闡

四

參百玖拾陸

哲作誓

告巴蜀士民夫昏明代運否終則泰賢哲觀機以知變不肖滅
亡以取禍昔皇運中消乾綱暫弛睽勒窮凶肆暴神州李劉啓
逆竊逼岷川翼以不才任符分陝未能仰宣皇恩招攜以禮而
使三巴之民制於犬羊之羣元元之命懸於豺狼之口所以假
寐永歎疾如疾首者也凡百黎昨秋毫不犯檄至勉思良圖自
求多福無使蘭艾同焚永作鑿誠信哲之明有如皎日

數陳敬瑄十罪檄

唐楊師立

伏聞庖丁解牛鑿骨節於形外伏波聚米察山谷於目前若匪

通人奚臻妙理師立材非馬援智乏庖丁見率土之銜寃爲大
朝之雪恥今國家以黃巢肆逆寓縣罹災鑿輿播越而未安宗
廟凌夷而失守凡在臣子孰不痛傷而西川節度使陳敬瑄因
守藩維坐觀成敗伏自大駕駐蹕縱令羣盜害人不能行政理
以安時但欲示軍功而駭衆只要威權在已冀今朝野歸心惡
既貫盈人皆憤惋聊書十罪用去一凶實望此時共垂詳悉且
功高者祿重德厚者位尊敬瑄本自凡庸素無智略事因際會
位極人臣乃至稚女孩童皆霑寵祿閨房皂隸竝受渥恩使功
勳者切齒而不言勞舊者扼腕而懷恨其罪一也獻可替否必
全蜀秩文志

卷四十三上 檄

讀月草堂

在忠言指佞觸邪須憑直士張侍御正朝廷綱紀暗被誅夷孟拾遺疏奸惡是非遂遭陷害或殞命於滄江之下或亡軀於幽室之間想其強死之忠魂必得申冤於上帝自此中外結憤愚智吞聲其罪二也妄議公主擅許和親挫大國之威風長南夷之僥倖蓋緣陳敬瑄受賂遂令海內興譏其罪三也恭顯弟兄總非勳校皆食厚祿竝陟崇階蓋陳敬瑄罔顧刑章贖亂朝憲外姻內族冒貴貪榮其罪四也全無懼謗豈識廉隅但與苟且之心唯恣淫泆之行昇徐廣爲公座因令奪安鄴之妻致光庭登甲科只爲娉敬瑄之女聞之者寧無慙恥見之者皆有嘆嗟

其罪五也鄭相公運籌於岐隴率衆於邠涇橫控梁洋遂安劍蜀敬瑄深懷嫉妒互起讒言其罪六也王蘊賤隸之徒姚坤兇狀未具皆被殺戮可鑿幽冤賞罰之權自敬瑄出其罪七也恣行威福紊亂規繩除稜不自於天書擢用只憑於使牒元隨諸校偏授官榮扈從六軍曾無優渥其罪八也搜羅富戶借彼資財抑奪鹽商取其金帛三倍折納稅米兩川縮斷度支妄指贍軍多將潤屋其罪九也東西二蜀節制徇意誣君云討韓秀昇峽路迴戈請擊高仁厚當川歇馬不甘下視可驗平欺如此用心自爲得計其罪十也且爲臣之義有一於此未或不亡況皆

具之何以能久師立今則感人神之怨怒奮貔虎以平除已點
驍銳精兵及八州壇寨共五萬人騎舉義長驅問罪西府志在
扶持天子議滅亂臣止欲生致敬瑄面奏聖上請行國典以正
朝綱應檄諸道公侯諸州牧伯共期嫉惡同為除奸或義士忠
臣或州府將校但能梟敬瑄首級送師立軍前即便卷甲弢弓
歸朝謝罪皇天后土實聞此言凡在人臣幸鑒忠懇

破吐蕃露布

韋臯

尚書兵部臣韋臯等言臣聞天討有罪兵應者勝義者王裔不
亂華師直為壯曲為老多助之至四極爰轉貞觀則同羅擊延

韋臯宋無韋字

葉本作戎

事作使

陀開元則九姓殄默啜曰商莫不來享犯漢雖遠必誅德風蕩
乎河源武節愴乎月窟率寧人之有指先元戎之啓行用信威
光祖宗不以賊遺君父恭惟皇帝陛下宣昭義問救寧武功纘
八葉之鴻圖奮四征之雄略懷臯鵬銷祲沴稟印大和剪鯨鯢
清郊原掃除羣穢王猶允塞我武惟揚奇榦善芳各修貢職條
支若木咸順指令邈積石之遐曠有吐蕃之醜類侵敗王略倍
紆齊盟乘邊將之弛兵瞰我亭之虛候為蛇豕食上國盡盜河
湟帥蝥賊搖我疆再驚畿甸騎壘敢於深入鑿蹕至於親屯擱
然授兵協以謀我尚納污而含垢姑通事以結和清水之盟未
全蜀稅文志

糜作糜 奉作慕

乾好時之師已聚指涇靈而傲賂關鹽夏以擣虛夷德無厭弗
 悔衽金之旤楚氛甚惡輒興衷甲之謀蠢爾為讎整居匪茹惟
 時南詔奉化中朝先零之質諸羌雖嘗并力糜人之率百濮罔
 不離心頓顛於邊受命於吏斷匈奴之右臂羈南粵以長纓燕
 貉輸致騎之勤晉戎成犄鹿之勢彼旣失鐵橋之險我遂克峨
 和之郭蓋鼠匿於龍堆復虔劉於鱗塞戍我守將墮我陣隍修
 戈矛予與同仇糜室家不遑寧處巨等請奮其旅以殲乃讐鳳
 翔振武靈武之騎獵其西邠寧太原涇原之兵震其北率山南
 熊羆之校暨東川貔虎之師烏蠻撓其腹心回鶻擣其肘腋衆

本無亨寧二字

爐沸作拂盧

堂作掌

領作嶺

素飽矣壹大治之諸將陳洎等統五萬軍出十一道濟師西顯
 之半策勛北陸之初盪平七城斬馘萬級獲鎧械五十萬計播
 堡壘百七十餘遂賈勇而圍昆明將決勝而定青海僞東境五
 節度大使論莽熱釋朔方之衆援維州之城九攻九却之計窮
 七縱七擒之威速連執訊矯矯獻囚不然我薪而自焚有如
 破竹之立解爐沸魚潰甌脫兔犇谷靜山空行就焉耆之僂區
 殫域滅訖聞智盛之降斯皆廟謨淵深神斷天造明見萬里運
 奇堂上之兵守在四夷制勝目中之虜勒功滇池之杜植表赤
 頌之碑一怒安民文之勇也三軍用命克何力焉臣等承帝之明敵

全蜀秘文志

卷四十三上

露布

讀月草堂

破吐蕃露布題上當
加擬帝皇三字此宋
末王應麟伯厚習博
學鴻詞所擬者辭學
指南此篇前有擬晉
前鋒都督謝元平充
青州露布後有擬漢
丞相蕭何諭告巴蜀

八

肆百叁拾玖

王所憐開遠門揭候坐收西極之舊封紫微殿受俘重視昆丘
之茂績臣等無任慶快激切屏營之至謹遣某官奉露布以聞

代成都帥檄

宋邵博

朝廷既付帥以全蜀兵民之寄帥深念國勢艱危思所以寬上
西顧之憂者不敢不力今敵國之禍半天下議者謂敵情終不
能忘蜀帥固料之敵人以鐵騎衝突決勝使其出平原易野則
勇矣果挽吾蜀將自取禍也蓋天下之險在蜀大山長谷數千
里之間自古無路可出梯空爲棧以往來行者必棄輿馬腰纏
扶杖後先相挽牽或棧壞則墮於萬仞之下不見蹤跡此豈用

武之地哉敵之長技廢矣帥比下約束敵之來堅壁清野斷路
據險使其鼓勇則不得進示怯則不得退久駐則不得食將盡
決四山所瀦之水灌百萬之衆可使化魚鼈異物無遺也其能
得志哉此不待智謀拳勇之士譚笑可辨況有如諸君之高才
絕藝乎今官軍民兵與應募之士已百萬器甲犀利糧儲山積
斥堠明甚敵之動靜朝夕所知帥有備矣於此責將士焉傳曰
師克在和不在衆無輕舉無爭功無信流言無泄秘計無以私
事相仇皆兵家所忌也帥爲成都三年矣環百城之境無風塵
草竊之虞朝廷察焉故當虛而復留尺寸之功帥未嘗自矜也

全蜀稷文志

卷四十三上

檄

讀月草堂

帥之心可見矣以天之道社稷之靈朝廷奠安異時論保蜀之功帥將以將士之名次第上之不自有焉其或違眾慢令不以帥之言為用罰不敢私尚聽之母忽

難蜀父老

漢司馬相如

漢興七十有八載德茂存乎六世威武紛紜湛恩汪濊羣生霑濡洋溢乎方外於是乃命使西征隨流而攘風之所被罔不披靡因朝冉從駢定窅存功略斯榆舉苞蒲結軌還轅東鄉將報至於蜀都耆老大夫縉紳先生之徒二十有七人儼然造焉辭畢進曰蓋聞天子之收四裔也其義驅縻勿絕而已合罷三郡

之士通夜郎之塗三年於茲而功不竟士卒勞倦萬民不贍今又接之以西南夷百姓力屈恐不能卒業此亦使者之累也竊為左右患之且夫邛笮西僰之與中國並也歷年茲多不可記已仁者不以德來強者不以力并意者其殆不可乎今割齊民以附戎翟倣所恃以事無用鄙人固陋不識所謂使者曰烏謂此邪必若所云則是蜀不變服而巴不化俗也僕尚惡聞若說然斯事體大固非觀者之所覩也余之行急其詳不可得聞已請為大夫粗陳其略蓋世必有非常之人然後有非常之事有非常之事故然後有非常之功夫非常者固常人之所異也故曰

非常之原黎民懼焉及臻厥成天下晏如也昔者鴻水沸出池
 濫衍溢民人登降移徙倚軀而不安夏后氏威之乃涇鴻塞源
 決江疏河澆沈澹災東歸之於海而天下永寧當斯之勤豈惟
 民哉心煩於慮而身親其勞躬儼駢胝無皮膚不生毛故休烈
 顯乎無窮聲稱浹乎來茲且夫賢君之踐位也豈特委瑣躡
 拘文牽俗循誦習傳當世取說云爾哉必將崇論宏議創業垂
 統為萬世規故馳騫乎兼容并包而勤思乎參天貳地且詩不
 云乎普天之下莫非王土率土之濱莫非王臣是以六合之內
 八方之外浸淫行溢懷生之物有不浸潤於澤者賢君恥之今

封疆之內冠帶之倫咸獲嘉祉靡有關遺矣而遠方殊俗之國
 遼絕異黨之域舟輿不通人迹罕至政教未加流風猶微內之
 則時犯義侵禮於邊境外之則邪行橫作放弒其上君臣易位
 尊卑失序父老不辜幼孤為奴擄係縲號泣內嚮而怨曰蓋聞
 中國有至仁焉德洋恩普物靡不得其所今獨曷為遺已舉踵
 思慕若枯旱之望雨盃夫為之垂涕況乎上聖又烏能已故北
 出師以討強胡南馳使以誚勁越四面風德二方之郡鱗集仰
 流願得受號者以億計故乃關沫若微牂牁鏤靈山梁孫原創
 道德之塗垂仁義之統將博恩廣施遠撫長駕使疏逖不閉習

十一 肆百肆拾陸
爽闇暗得耀乎光明以偃甲兵於此而息討伐於彼遐邇壹體
中外視福不亦康乎夫拯民於沈溺奉至尊之休德反衰世之
陵夷繼周氏之絕業天子之亟務也百姓雖勞又惡可以已哉
且夫王事固未有不始於憂勤而終於佚樂者也然則受命之
符合存於此方將增太山之封加梁父之事鳴和鸞揚樂頌上
咸五下登三觀者未覩指聽者未聞音猶鷦鷯已翔乎寥廓之
宇而羅者猶視乎藪澤悲夫於是諸大夫茫然喪其所懷來而
失厥所以進喟然竝稱曰允哉漢德此鄙人之所願聞也百姓
雖勞請以身先之做罔靡徙遷延而辭避

對蜀父老問

唐盧照隣

赤集作高在放赤車
本華陽國志

缺集作昌朗

龍集荒落律紀製賓余自鄴鎬歸於五津從王事也丁丑屆於
昇僊橋止送客亭即相如所謂不乘赤車駟馬不出汝下者也
遇蜀父老皤然龐眉華髮者休於斯謂余曰子非衣冕之族歟
文章之徒歟飾仁義以干時乎懷詩書以邀名乎吾聞諸夫子
曰邦有道貧且賤焉恥也當今萬方日缺九有風靡主上垂衣
裳正南面而已矣庸非有道乎而子爵不登上造位不至中涓
黎羹不厭裋褐不全庸非貧賤乎吾視子形容顛頽顏色疲怠
心若涉六經眼若營四海何其無恥也何其聖主効智出奇何
全蜀秩文志 卷四十三上 難 讀月草堂

栖栖默默自苦若斯吾聞克為卿失則烹何故區區兀兀無所
 成名余笑而應之曰井魚不可以語於海者拘於墟也夏蟲不
 可以語於冰者篤於時也蓋聞智者不背時而傲幸明者不違
 道以干非是以聖賢馳騫莫救三家之徹匹夫高抗不屈萬乘
 之威道在則簞瓢匪陋義存則珪組斯違或立談以邀鼎食或
 自首而甘布衣或委輅而仕屬論都之會或射鉤以相遇匡霸
 之機亦有朝為伊周莫為桀跖當其時也襲珩珮之鏘鏘失其
 時也委溝渠而啞啞故使龍丘先生羞聞擁篲雁門太守不如縫掖
 孟軻偃蹇為王者師范睢匍匐為諸侯客富貴者君子之餘事

仁義者賢達之常迹來不可違類鴻鴈之隨陽去不可留同白
 駒之過隙行蘇張之辯於媯燧之年則韓彭之術於堯舜之朝
 則舛矣守夷齊之節於湯武之時則孤矣抱申商之法於成康
 之日則愚矣彼一時也此一時也易時而處失其所矣大唐之
 有天下也出餘載月竊來庭風丘款塞華旌已偃羽檄已平雖
 有廉白之將孫吳之兵百勝無遺策千里不留行無所用也社
 首既禪介丘既封創明堂立辟雍雖有關里之聖淹中之儒叔
 孫通之藺公玉帶之圖將焉設也咸英竝作韶武畢用奏之方
 澤而地祇登昇之圓丘而天神降雖有伶倫伯夔延陵子期操

雅曲則風雲動激淒音則草木悲又何施也畫衣莫犯囹圄不
修雖有咎繇仲甫之器釋之定國之儔金科在握丹筆如流非
急務也人歸東戶家沐南薰山澤無蹊隧雞犬不相聞雖有文
翁黃霸之迹職子游子賤之絃歌政成禮讓俗被雍和固無取
也干戈已戢禮樂已興刑罰已措梁父已昇公卿常伯庶政其
凝雖有鴻才大略麗句藻豐詞發言盈乎百代濡翰周乎四時
略無益於今日而適足以怫之是故天子恭已羣臣演成攘袂
而陵稷禹撫掌而笑阿衡無為而萬物皆遂不言而品彙咸亨
莫不稱贊鴻烈揄揚頌聲言殊者招累行危者相傾効智者輟

篇作編

神集作禪措集作措
注云一作措

談於草澤出奇者襄足於山楹許由去而堯臣不少善卷逃而
舜德不輕夫周冕雖華猿猴不之好也夏屋雖崇騏驥不之處
也載鼙以車馬不如放之藪穴也樂鷓以鐘鼓不如栖之深林
也此數物者豈惡榮而好辱哉蓋不失其天真也若余者十五
而志於學四十而無聞焉詠羲農之化翫姬孔之篇周游幾萬
里馳騁數十年時復陵霞汎月搦札彈絃隨時上下與俗推遷
門有張公之霧突無墨子之烟雖吾道之窮矣夫何妨乎浩然
今將授子以中和之樂申子以封神疑作禪之篇終眇慙乎措地
竊所慕於談天於是蜀父老再拜而謝曰鄙夫瞽陋長自愚惑

十四 貳百捌拾陸
習俗遐陬不遊上國聞王人之休旨聽皇猷之允塞亦猶獻雉
而遇司南銜龍而光有北請終餘論永告功興

全蜀稗文志卷四十三目_下 楊升菴先生原本

江陵朱雲煥選唐

回雲南牒

唐高駢

又

胡曾

蠻貊居要荒盡遵中國力爭不得天使其然所以孔聖云夷狄
之有君不如諸夏之亡也縱外夷驕倨索中國等倫是以博古
知今但擬率兇逞志雖恃荒陬之獨力背以天時必為寰海之
諸蕃哂其僭越力不足憑缺四字且以蠖螭之飛騰不離溝
瀆欲追鸞鳳之羽翼擬接燦霄雖是童兒亦知不可且雲南頃
者求合六詔併為一蕃與開道途得接邛蜀許賜書而習讀遠
降使而交歡禮待情深招延意厚傳周公之禮樂習孔子之詩
書片善既知大恩合報忽窮兵黷武掠土侵疆再犯朗寧重陷
交趾兩辱邛蜀一劫黔巫塗炭城池而極多皆為灰燼驅歸土

庶而非少盡作幽寃轉恣胸襟罔知悛革吞越舊之舊地園相
如之故城凌犯不休貪殘轉甚昔時交趾都護不嫻理兵舊日
朗寧元戎未解誅寇黔巫帥邛蜀儒臣受以侵欺容其殘暴
比者親征海裔克復龍編驅駕三千之師勦除十萬之寇南定
縣則全軍陷沒如乾鎮則匹馬不還羅和一空嘉寧具盡贊衛
段首遷安南節度之斬首騎將麻光亮溪洞都統之亡軀李膳龍安南城內守將
則面縛於軍前張詮行營都統則生擒於陳上沈白衣殲命之眾將
至長行二千餘人皆白衣號殺命軍如赤日銷冰殺朱弩佞莖之軍詔土親軍三
若紅爐焰熾膏塗草莽骸積丘山士卒觀之而稱心夷獠觀之
全蜀雜文志 卷四十三下 牒 讀月草堂

而快意趙誥眉

扶耶等在界上道

而就戮相思縉

善門節度兼

使亦自裁董鐸龍

咸通七年除安南節度使替段首遷

之恹惶范昵

安南行營都統之

窘沮每來侵擾無非敗亡江橋則盡底焚燒采笈則從頭覆沒

波封瓦解扶耶大墮容易誅鉏若高原之縱燎等間撲滅如順

坂之走丸收復城池掃殄妖孽先仗睿謀之果斷後資神術而

追擒韓信滅趙之功吞樂毅破齊之策其於勝負詔國洞知

昨日來鎮西川移從汝水仗節而不施導騎單車而直抵坤維

大開城門放出人物三軍而遣歸營幕百姓而使返鄉閭乃於

此時詔王未離近地固無疑阻直擬誅鋤不比從前帥臣只務

姑息兇醜唯將和好便是策謀今則已知天時誓雪國恥前詔

王遣張棟成等諸將領軍佐稱是行人未至府城揚言和好身

纔入境兵已繼來況是詔王親行公然詐偽欺侵大國熒惑元

戎戮僕之儀須依古典其張棟成等竝已軍令處置且詔國前

後俘虜約十萬人今獨送杜驤妻言是沒落且杜驤守職本在

安南城陷驅行固非沒落星霜半代桎梏幾年李氏偷生餘喘

而空令返國杜驤早歿遺魂而不得還鄉今則訓練番兵指揮

漢將鐵衣十萬甲馬五千扈交合從黔蜀齊晉昔時漢相有七

擒七縱之功今日唐臣蘊百戰百勝之術勳名須立國史永書

且杜驥官銜李搖門地不是近親但王室疎宗天枝遠派而已
李氏并詔國木夾竝差人押領進送朝廷訖故牒

又 駢統益部兼號征南蠻厥聞名預自屏跡然猶時飛一木夾誇兵草犀象之盛駢判回木夾命記室胡曾為之

辭 胡曾

牒前件木夾萬里離南一朝至北開緘捧讀詞藻煥然獎飾過多欣慰何極實以乍同邊鎮纔到藩籬且按此朝之舊儀未悉彼國之新制不知鶴栢且認苴咩尚呼南詔之佳名豈見大朝之美號要從微耗且是所宜伏承驟信王化風行君德雲被彫題屈膝缺舌折腰卉服來庭毳裘入貢蓋以深明豹略精究龍

韜波伏西天草偃南土者然侵軼我華夏無乃不可乎將謂我皇帝有所負於彼邦邊臣有所負於彼國慮彼直我曲獲罪於天是陳木夾申懷用貯榮報及披迴示已見事根止於因繫使人放歸彼國始乎小怨終此深讐吞噬我朗寧虔劉我交趾取我越篤犯我益州若報東門乃及再回夫物居中者尊也處外者卑也是以衆星共之北辰百谷趨之東海天地尚不能違而況於人乎我國家居天之心宅地之腹四方八表莫不輻湊亦猶北辰之與東海也誠知土地山河歸於有德雖云有德亦須相時苟無其時安可妄動明公博識多聞豈不見仲尼乎仲尼

之聖踰堯舜顏子之賢過夔龍然六合茫茫無立錐之地者蓋無其時也適使仲尼生於秦末乘胡亥之亂用顏回閔損為宰相子路冉有領將軍子貢宰我充行人子夏言偃典書檄雖六合鼎沸可基見而定也當此之時劉項只可都頭韓彭不過十將耳聖人雖有帝天下之德而無帝天下之時終不妄動及子路欲使門人為臣以為欺天乎乃自嘆曰鳳鳥不至河不出圖吾已矣夫止於負手曳杖逍遙倚門告終而已王莽不識天時苻堅不知歷數妄恃強富爭帝乾坤莽以百萬銳師來襲後漢光武以五千之眾破於昆陽苻以六十萬精兵扣於東晉謝平

以八千之卒敗於壽春豈不為欺天罔地所致者也國富兵強何足恃也周王杖箠於岐山漢祖脫褐於泗水我高祖起自隴州蓋明公只知其一未知其形未知其光也今與明公陳之望審參焉昔周王承公劉之德遇殷紂之暴剗剔孕婦塗炭生靈剖賢人之心斲朝涉之脛三分天歸周文王率諸侯而朝之至於武王觀兵孟津八百諸侯不期而會尚曰彼有人焉未可圖也退歸修德觀乎聖人去就豈容易者哉及微子去比干剖箕子奴民不聊生皇天厭之國人棄之武王方授旗誓眾一舉而滅紂者蓋天奪殷而與周也我皇帝方宵衣旰食肩堯踵舜父

事二老兄友下僚推赤心於比干腹中懸白日於微子頭上諸侯合德百姓歡心天下有人聖如周王家有姬且戶生呂望者乎漢祖承帝堯之德遇秦皇無道併吞六國恃宇市一家焚燒詩書阬滅賢哲築長城於紫塞造阿房於皇州鬼母哭蛇人臣指鹿民不聊生皇天厭之國人棄之是以陳勝一呼天下響應漢祖西人五星都聚者蓋天奪秦而與漢也我皇帝方崇詩書任賢哲舉宮室郵黔黎野無歌鳳之人朝有問牛之律天下英如漢祖家有韓信戶張良者乎我高祖承平元之德遇隋煬荒淫徭役不均徵斂無度竭生民之財產為巡幸之資糧虎噬羣

賢孫蒸庶母浮沈遼海疏鑿汴河今年東征明年西伐民不聊生皇天厭之國人棄之是以我高祖應天順人奄有四海者蓋天奪隋而與唐也我皇帝方淡薄聲色杜絕巡遊夢卜宰輔倚注蕃屏思成垂拱惡習干戈皇天方贊國人方歡天下雄如唐祖家有敬德戶爭齡者乎而況越舊新州詳荆故郡不在周封之內非居禹跡之中曩日邊將邀勳妄圖吞併得之如手加駢拇失之若領去贅瘤九牛之落一毛六馬之亡半羸何足喻哉僕雖自絳紗素耽黃石既探師律固識兵機奉詔鎮壓三巴撫安百姓思敦禮樂恥用干戈每傷虞芮之爭田永念姬周之讓

路苟不獲已卽須訓戎且蜀地濶數千里郡列五十城戶口至士卒之衆可以揮汗成雨吐氣成雲蓋緣從前元戎皆是儒者有昧見幾而作但守昇平之元規雖分常憂不教民戰是以彼國得以深入無備故也僕示之以三令教之以八陣鼓聲而進鉦動而退甘與之共苦與之均義等填窟情猶瓜葛闔禮樂而敦詩書務農桑而聚穀帛使家藏甲冑戶貯干戈賞罰並行公私共貫既識三略便可七擒不唯喝例不周亦可擘開太華況彼國自長慶已來搔擾益部殺人之父孤人之子掠人之妻鯨人之夫焚人之廬舍使人暴露窮人之桑麻使人寒凍蜀人怨

恨痛入骨髓僕乘其衆怒之勢示其報怨之門况抱雞搏狸不由人教乳犬敵虎自是物情既仗宗廟之威靈兼統華夏之精銳若乘流縱棹下坡推車豈勞心哉僕官是宰衡位當侯伯披堅執銳雖則未曾濟河焚舟平生所貯彼國將帥之強弱邦國之盈虛坐可酌量何煩詢誘且六合之外舟車不及聖人不言彼國在聖人不言之鄉舟車不及之地縱主上英哲人臣俊父亦猶燭龍銜曜只可照於一方春雷震聲不能過於百里天與不取談何容易夫天有五賊見之者昌彼國縱曉六韜未爛五賊而欲泥封函谷水灌晉陽何其謬哉五賊者夏桀張羅殷湯

祝網是以仁而賊不仁也殷紂剖生人周文葬枯骨是以德而賊不德也齊國厚徵薄貸魯國厚貸薄徵是以恩而賊不恩也項羽弑義帝漢高祖舉哀是以義而賊不義也陳後主驕奢隋文帝恭儉是以道而賊不道也能行五賊兼曉六韜方可奪人山河傾人社稷我朝未有五失而彼國徒自陸梁以此推之興亡可鑒何勞遠離庭戶始識安危久習韜鈴方明勝負而妄要姑息祇務通和迴示荒唐一何乖戾罔念孔顏之知命翻效莽堅之覆車交趾喪亡可知人事新都失律定見天時若望降尊便希抗禮但百谷不趨東海眾星不共北辰則不可議也苟未

如是則不可改圖昔管仲入周不受上卿之禮蘇武在北無虧中國之儀事有前規固難更易況小不事大春秋所誅若彼直我尚恐招天殃既彼傲我謙何患神怒見已訓齊士卒調集糧糧或玉露垂槐金風動柳建鼓數里命車指南涉河弔民渡瀘會獵繼齊魯之夾谷紹秦趙之澠池便是行人豈遺佳策皇帝聖旨已具前緘奏聞不復多談恐乖忠告謹牒

八

壹百陸拾伍

